

Radøy kommune
Radøyvegen 1690
5936 Manger

Dykkar ref.:


Vår ref.: Ard15002

Bergen:22.05.18


**SØKNAD OM MINDRE ENDRING ELLER REGULERINGSENDRING AV PLANID
1260201000100 AUSTMARKA ØVRE, GNR. 79, DEL AV BNR. 11 OG 102
M.FL. I RADØY KOMMUNE**

På vegne av tiltakshavar Austmarka Panorama AS søker Ard arealplan as med dette om mindre endring av planID. 1260201000100 Austmarka øvre, gnr. 79, del av bnr. 11 og 102 mfl. med heimel i plan og bygningsloven § 12-14.

Tiltakshavar ynskjer å gjere endringar i **planføresegner** og **plankart** for å lettare kunne ta fatt på rekkefølga av utbygginga av bustaddelen i planområdet (sjå kart under). Både plankart og føresegner vert samstundes oppdatert med rett nemning for dei ulike føremåla slik at desse vert i samsvar.



Figur 1 Kart som syner planområdet si plassering i Radøy kommune mot Radsundet.



Figur 2 Flyfoto over området i Radøy kommune.

Bakgrunn for ønske om mindre endring av gjeldende reguleringsplan

I den godkjente planen fra 13.09.2011 syner det seg at rekkjefølgjekrava er for lite tydelege når det gjeld ein plan av denne storleik. Planen legg opp til moglegheit for utbygging av til saman 149 bustadeiningar, noko som venteleg må byggast ut over tid. **Intensjonen** til planen har heile vegen ved utarbeiding av planmateriellet vore ei trinnvis utbygging. Planskildringa omtalar dette side 16 under kap. 6.18 *Alle husa vil heller ikkje bli utbygd på same tid, men over år.*

Det er ikkje marknad for ei felles stor utbygging av alle desse 149 einingane samstundes. For at det skal vere ei lettare prosess å gjennomføre planen som ønskt, legg vi no opp til å endre føresegnehene slik at gjennomføring av planen for området vest for fylkesvegen kan ta til, med dei nødvendige presiseringar. Området aust for fylkesvegen er i stor grad ferdig realisert.

Diverre har det vist seg at planføresegnehene ikkje tydelege nok for Radøy kommune når det gjeld høve til å gjennomføre ei trinnvis utbygging. For at det ikkje skal vere tvil om korleis realiseringa av feltet skal gå føre, foreslår vi å setje inn ny overskrift under § 2.3 i tillegg til tre nye føresegner frå 2.3.1 til 2.3.3 som alle har til hensikt å gje høve til trinnvis utbygging. Når vi endrar i rekkjefølgjekrava i innleiinga får dette konsekvens for nummereringa vidare innanfor punktet § 2.3.

Tilbakemelding frå Statens vegvesen til varslinga er at det ikkje er tydeleg nok kva tid dei offentlege anlegga skal realiserast. Dei offentlege anlegga skal realiserast før oppstart av utbygging av feltet i vest. Det er omtalt i § 2.3.20, men tydelegvis ikkje klart nok formulert. Ved innsending prøvar vi å gjere paragrafen tydelegare slik at hensikta er uomtvisteteleg så godt det let seg gjere. Statens vegvesen ynsker at rekkjefylgjekrava også skal gjelde for austre side av vegen. Det er eit pågåande arbeid her for realisering av desse areala i plan 2017000500 i tillegg til at mykje av areala allereie er etablert.

Vi vil her å syne korleis dei ulike offentlege vegane og gangvegane skal byggast ut knytt til dei ulike delfelt. Det same gjaldt neste føresegn 2.3.21 som gjeld felles vegar.

Frå 2.3.7 og utetter viser vi kva tid dei ulike leikeområda skal realiserast knytt til dei ulike bustadfelta.

2.3.18 omtalar igjen at veglys skal skje i takt med utbygginga av feltet. 2.3.21 omtalar korleis vegar, fortau og parkeringsplassar knytt til det einskilde feltet som ligg ved skal skje i takt med utbygginga av feltet.

Heile hensikta med endringane er å sikre opparbeiding i samsvar med det einskilde delfelt for å sikre ei koordinert og hensiktsmessig utbygging til beste for dei som skal bu der i tida frå start til ferdig utbygd felt.

Illustrasjonen i figur 3 prøvar å syne utbyggingstakta, der det lilla området med stipla linje omfattar mellom anna sjølve krysset og elles dei offentlege areala knytt til fylkesvegen.

Når det gjeld næringsarealet og realisering av området i aust, er det meste utbygd. Det går føre ein diskusjon mellom prosjekterande fagfolk og statens vegvesen om gjennomføringa/realiseringa av dei ulike vegane i aust. Den diskusjonen tek vi ikkje del i med denne mindre endringa og heldt på at det er venstre side av reguleringsplanen som skal rettast opp no.


Ein ynskjer i tillegg å leggje inn i planføresegn § 3.5.8 at det innanfor f_{LEIK8} er høve til å etablere VA-anlegg. I plankartet vert det lagt inn eit bestemmelsesområde som seier at det skal vere høve til å etablere ei VA-anlegg /slamavskiljar innanfor markert område i f_{LEIK8}. Føremålet LEIK er i PBL plassert innanfor same arealkategori *busetnad og anlegg* noko eit anlegg for slamavskiljar og vil vere. Ei slamavskiljar ser ein for seg vil verte eit kommunalt anlegg. Anlegget må tilretteleggjast slik at det ikkje er til hinder for å røre seg og leike i området. Anlegget må samstundes vere tilrettelagt for lett tilgang for køyretøy om det vert aktuelt med vedlikehald. Plasseringa vert ved gatetun f_{GT2}.

To vegar var opphavleg regulert til offentlege og vert med framlegget endra til felles veg på same måte som dei andre vegane i delfeltet er regulert i dag. Endringa gjeld § 4.1.3, veg f_{V3} i føresegnene. For veg f_{V7} og f_{V8} er det feil i kartet og ikkje i føresegna knytt til den einskilde vegen. Vegar som framleis skal vere offentlege med tilhøyrande anlegg vert liggande som offentlege. Dette gjeld særleg anlegg knytt til fylkesvegen.

I heile dokumentet er det nytte nemninga **privat** der det skulle stått **felles** etter dagens bruk/system. Når vi no endrar i føresegnene rettar vi opp til rett nemning i heile dokumentet. Det vart totalt 43 endringar. Plankartet viser allereie det som er rett.

Vi legg opp til å behalde same arealkategoriar som i den gjeldande reguleringsplanen, i søknaden om mindre endring.

Planavgrensing, utnytting, volum og utforming er som før.



Figur 3 Reguleringsplankartet med tenkt trinnvis utbygging lagt over. Nummerering syner tenkt rekkefølge for utbygging, kombinert med farge for dei ulike felta (illustrasjon frå arkitekt).

Innanfor dei stipla områda med ulike farge må det vere på plass vegar, fortau og gangvegar før det kan gjevest igangsetningsløye til bustadar i feltet. Kva felt som takast i kva rekkefølge avgjera endeleg i byggesak. Vi syner ei tenkt rekkefølge og uansett val må tilhøyrande infrastruktur takast for kvart delområde. Underveis med prosjektering har det synt seg at det er trong for massar einskilde stader og trong for å ta ut massar andre stader innanfor planområdet si venstre side. Massar vert tatt ut og nytta der det vert trong for det.

Detaljert skildring av den mindre reguleringsendringa

Under har vi lista opp dei endringane som ein ynskjer i føresegndene og plankartet for å lette arbeidet med å gjennomføre planen for Austmarka øvre:

Heile dokumentet med planføresegndene mangla prefiks som syner kva som er t.d. offentleg, privat og felles for dei ulike føremåla. Dette er no sett inn gjennom heile dokumentet med planføresegndene og omtala i fotnotane i det dokumentet. Nokre skrivefeil er retta opp. I tillegg er det tatt inn presiseringar der vi vurderer at det trengs. Alle endringar er synt med fotnote med nødvendig

kommentar i tillegg til at det er nytta raus farge. I dette søknadsbrevet er ikkje alle rettingar med fotnotar opprampa då vi meiner desse mindre endringane med prefiks og endring frå privat til felles osb. er tydeleg nok i det aktuelle dokumentet og vil vere det også etter at dokumenta er godkjent og raud tekst er endra til svart.

Rekkefølgje

I føresegnehene er det utforma rekkefølgjekrav. Her ynskjer vi desse presiseringane:

Gjeldande paragraf: § 2.3 Rekkefølgje

Oppdatert paragraf med presiseringar: § 2.3 Rekkefølgje - eventuell utbygging i trinn, takt i utbygginga

Nye paragrafar som vert lagt til:

- 2.3.1. Føresegner om rekkefølgje gjeld og ved utbygging i trinn.
- 2.3.2. Ved trinnvis utbygging skal kvar fase sikrast ei god avslutning med dei same krava som er nedfelt i desse føresegnehene og i overordna planar. Generelle krav til storleik på uteophaldsareal, leikeområde og parkering skal oppfyllast.
- 2.3.3. Ikkje utbygd restareal innanfor planområdet skal sikrast og gjevast ei estetisk god utforming.

Gjeldande paragraf:

- 2.3.17 Offentlege køyrevegar, gangvegar, undergang og kollektivhaldeplassar i planområdet skal vera dimensjonert som vist i planen og skal vera på plass før det vert gjeve igangsettingsløyve til bustadar i feltet.

Ny nummerering og oppdatert paragraf med presiseringar:

- 2.3.20 Offentlege køyrevegar, gangvegar **knytt til offentlege veganlegg**, undergang og kollektivhaldeplassar i planområdet skal vera dimensjonert som vist i planen og skal vera på plass før det vert gjeve igangsettingsløyve til bustadar i **dei ulike delfeltet**. **Tiltak knytt til fylkesveg skal vere godkjent av Statens vegvesen knytt til utarbeidd byggeplan.**

Gjeldande paragraf:

- 2.3.18 Private vegar, fortau og parkeringsplassar skal byggjast ferdig før det vert gjeve igangsettingsløyve til bustadar i feltet som ligg ved eller i tilknyting til den private vegen. Utbygging av infrastruktur og veglys skal skje i takt med utbygging av feltet.

Ny nummerering og oppdatert paragraf med presiseringar:

- 2.3.21 **Private** Felles vegar, fortau og parkeringsplassar skal byggjast ferdig **i samsvar med rekkefølgjekrav** før det vert gjeve igangsettingsløyve til bustadar i feltet som ligg ved eller i tilknyting til **den private-felles vegen**. Utbygging av infrastruktur og veglys skal skje i takt med utbygging av **delfeltet**.

Gjeldande paragraf:

- 2.3.19 Det skal etablerast fartsdumpar i alle kryss mot V3 i planområdet før igangsettingsløyve kan gjevast til bustadar som nyttar vegen.

Ny nummerering og oppdatert paragraf med presiseringar:

- 2.3.22 Det skal etablerast fartsdumpar i alle kryss mot **f_V3** i planområdet før igangsettingsløyve kan gjevast til bustadar som nyttar vegen. **Eksisterande avkjørsle inn i planområdet stengast ved etablering av f_V3.**

Gjeldande paragraf:

2.6.1 Det skal inngåast og godkjennast ein utbyggingsavtale med Radøy kommune og Statens vegvesen før det vert gjeve igangsettingsløyve for tilretteleggingsarbeidet/anleggsarbeidet.

Oppdatert paragraf med presiseringar:

2.6.1 Det skal inngåast og godkjennast ein utbyggingsavtale med Radøy kommune ~~og Statens vegvesen~~ før det vert gjeve igangsettingsløyve for tilretteleggingsarbeidet/anleggsarbeidet **knytt til fylkesvegen**.

Gjeldande paragraf:

3.5.8 LEIK8 er ballplass for bustadene innanfor planområdet, men alle born kan leike her.

Oppdatert paragraf med presiseringar:

3.5.8 **f**_LEIK8 er ballplass for bustadene innanfor planområdet, men alle born kan leike her. **Innanfor f**_LEIK8 knytt til bestemmelsesområde #1 er det høve til å etablere VA-anlegg. VA-anlegget skal ikkje vere til hinder for ferdsel eller leik innanfor **f**_LEIK8.

I gjeldande paragrafar §§ 3.5, 4.1, 4.2 og 4.8 vert ordet *privat* endra til ordet *felles*.

Gjeldande paragraf:

4.3.2 FT2 går langs etter V6.

Oppdatert paragraf:

4.3.2 **o**_FT2 går ~~langs etter~~ gjennom **f**_V6 **f**_FRI6 og **f**_FRI7.

Gjeldande paragraf:

4.3.4 FT13 går langs etter V8.

Oppdatert paragraf:

4.3.4 **f**_FT13 går langs etter **V8-f**_V7.

Ny paragraf som vert lagt til:

§ 6.4 Bestemmelsesområde

6.4.1 Innanfor område markert med #1 vert det høve til å etablere VA-anlegg.

Endringar i plankartet:

Arbeidsmetodikken for utarbeiding av plankart er endra sidan 2011 da planen vart godkjent. Vi har retta opplagte feil og manglar, men vore tru til det opphavlege plankartet.

Alle bustadområda var opphavleg lagt som felles. Desse skal vere private. Det betyr at prefiks vert tatt ut av kartet for BB1- BB12, BF1-BF7 og BS1.

Vegar som var regulert til offentlege, men som no skal vere *felles* får prefiks **f**_. Gjeld **f**_V3, **f**_V4, **f**_V6, **f**_V7 og **f**_V8.

Alle kommunaltekniske anlegg som var regulert til offentlege, **o**_ØK1 til **o**_ØK12, vert endra i plankartet og får prefiks *felles* og vert til **f**_ØK1 - **f**_ØK12.

Alle fortau som var regulert til offentlege, frå **o**_FT3 til **o**_FT13, vert endra i plankartet og får prefiks *felles* og vert til **f**_FT3 - **f**_FT13.

Alle gangvegar som var regulert til offentlege, frå o_G10 - o_G21, vert endra i plankartet og får prefiks *felles* og vert til f_G10 - f_G21.

I tillegg mangla kartet symbolet «stenging av avkjørsel» for eksisterande vegrar i f_KV1, i o_AVG17 og i o_AVG19.

Illustrerande liner er tatt ut for dei ulike bustadfeltene BF2 - BF7, samt byggeline i BB13. Høgder som var sett inn på vegane er tatt ut då desse vert misvisande. Vegane er ikkje prosjektert og høgder i kartet vert misvisande. Ved etablering av vegane må desse prosjekterast.

Tittelfeltet er samtidig rydda i samsvar med nytt oppdatert plankart.

Fråsegn/merknader i samband med varslinga med våre kommentarar:

Det kom inn tre fråsegn/merknadar i samband med varslinga.

1. Harald Mundal i e-post av 6.11.17 som vil sikre seg at endringa ikkje har eller får noko å seie for hans tomt.

Planleggar sitt svar:

Planleggar kan stadfeste at den mindre endringa ikkje får noko å sei for tomta til Harald Mundal.

2. Fylkesmannen i Hordaland har ingen merknader til reguleringsendringa.
3. Statens vegvesen vil at ein skal ta med rekkefølgjekrav for austside av fylkesvegen. I tillegg vil dei ha inn at tiltak knytt til fylkesveg skal vere godkjent av Statens vegvesen knytt til utarbeidd byggeplan. Statens vegvesen har også kommentarar til tekniske teikningar til gang- og sykkelanlegget og har innspel til å trekke krysset til bustadfeltet lengre sør.

Planleggar sitt svar:

Den mindre endringa vil omfatte tilhøva på venstra side av fylkesvegen.

Vi har tatt ut og endra tekst til § 2.6.1 som var formelt feil (og sto i gjeldande føresegner) og lagt til tekst om fylkesvegen.

§ 2.3.20 er utvida og omfattar no og byggeplan som skal godkjennast av Statens vegvesen.

Statens vegvesen sine kommentarar til tekniske teikningar vedkjem ikkje dette planarbeidet, og er ikkje aktuelt i samband med den mindre endringa som er ynskt.

Konklusjon:

Innspel er vurdert og tatt omsyn til der dei er relevant.

Verknadar av mindre endringa for eksisterande plan, planID:12602010000100

Endringa får PlanID: 12602010000800. Gjennomført og godkjent mindre endring vil gjere planen meir fleksibel i høve til å byggje ut feltet etappevis innanfor planområdet utan å øydeleggje intensjonane i planen om gode uteophaldsareal, gode og trygge gangvegtrasear, samt trygg skuleveg.

Vidare saksgang.

Etter gjennomgang av innspel og merknader meiner vi at planen kan gjennomførast som ein mindre endring og sendast Radøy kommune for vidare sakshandsaming.

Med beste helsing



Kari Johannessen
Dagleg leiar/Planleggjar
Ard arealplan as

Tlf.: 55 31 95 00/958 32 614

Vedlegg:

- Varslingsliste - sjå neste side
- Gjeldande plankart datert: 13.09.11
- Gjeldande plankart datert: 03.05.18
- Gjeldande føresegner datert: 13.09.11
- Oppdaterte føresegner datert: 11.05.18

VARSLINGSLISTE:

Naboar:

| Gnr. | Bnr. | Eigedomen si adresse | |
|------|------|--|----------------|
| 79 | 102 | Statsminister Michelsens veg 38 | 5230 PARADIS |
| 79 | 104 | Radøyvegen 585 | 5938 SÆBØVÅGEN |
| 79 | 109 | c/o Claus Pletten Sletta | 5939 SLETTA |
| 79 | 110 | c/o I.K.Lykke AS Postboks 2431 Sluppen | 7005 TRONDHEIM |
| 79 | 1 | Sæbøvegen 215 | 5938 SÆBØVÅGEN |
| 79 | 22 | Øvre Austmarka 9 | 5938 SÆBØVÅGEN |
| 79 | 21 | Stølen 26 | 5911 ALVERSUND |
| 79 | 20 | Øvre Austmarka 11 | 5938 SÆBØVÅGEN |
| 79 | 16 | Øvre Austmarka 2 | 5938 SÆBØVÅGEN |
| 78 | 3 | Sæbøvegen 247 | 5938 SÆBØVÅGEN |
| 79 | 23 | Øvre Austmarka 8 | 5938 SÆBØVÅGEN |
| 79 | 36 | Nordre Austmarka 64 | 5938 SÆBØVÅGEN |
| 79 | 28 | Øvre Austmarka 4 | 5938 SÆBØVÅGEN |
| 79 | 2 | Sæbøvegen 227 | 5938 SÆBØVÅGEN |
| 79 | 19 | Johan Berentsens vei 133 | 5163 LAKSEVÅG |
| 79 | 4 | Sæbøvegen 239 | 5938 SÆBØVÅGEN |

Andre:

| | | | |
|------------------------------|------------------|------|-----------|
| RADØY KOMMUNE | RADØYVEGEN 1690 | 5936 | MANGER |
| STATENS VEGVESEN REGION VEST | ASKEDALEN 4 | 6863 | LEIKANGER |
| BKK NETT AS | POSTBOKS 7060 | 5020 | BERGEN |
| FYLKESMANNEN I HORDLAND | POSTBOKS 7310 | 5020 | BERGEN |
| HORDALAND FYLKESKOMMUNE | POSTBOKS 7900 | 5020 | BERGEN |
| NGIR | LINDÅSVEGEN 1260 | 5956 | HUNDVIN |